

Sastanak s predstavnicima Grada Bihaća

28.01.2026 14:37



Dana 28.01.2026. godine održan je sastanak između Federalne uprave za geodetske i imovinsko-pravne poslove i predstavnika Grada Bihaća. Sastanku su, ispred Federalne uprave, prisustvovali direktor gosp. Željko Obradović sa saradnicima, dok je Grad Bihać predstavljao gradonačelnik gosp. Elvedin Sedić sa

saradnicom.

Na sastanku su analizirane aktivnosti koje se provode u okviru zemljišne administracije na području Grada Bihaća, s posebnim osvrtom na uspostavu katastra nepokretnosti. Trenutno su u toku aktivnosti na uspostavi katastra nepokretnosti za katastarske općine Donja Gata i Gornja Gata, koje se realiziraju kroz postupak izlaganja na javni uvid podataka premjera i katastarskog klasiranja zemljišta.

Također, u pripremi su aktivnosti za izlaganje na javni uvid podataka premjera i katastarskog klasiranja zemljišta za katastarske općine Kulen Vakuf, Martin Brod i Ostrovica. Nadalje, usaglašene su aktivnosti vezane za pripremu uspostave katastra nepokretnosti za katastarske općine Ćukovi i Doljani.

Obje strane izrazile su zadovoljstvo dosadašnjim aktivnostima na uspostavi katastra nepokretnosti te opredijeljenost za dodatno intenziviranje saradnje, s ciljem ubrzanja postupka uspostave katastra nepokretnosti i uspostavljanja nove, ažurne i tačne evidencije o nepokretnostima na području Grada Bihaća.